

山  
左  
金  
石  
志

山左金石志卷第七

長壽宮殿都察院右都御史總督湖北湖南等處學政兼理糧餉前東巡撫加三級聖元  
內閣學士蕭道鄰南書房是 文淵閣前學士海沂江蘇學政前山東學政加三級聖元  
同撰

秦石

琅邪臺石刻

碑無年月篆書在諸城縣

五夫<sub>二</sub>

五夫楊穆

皇帝曰金石刻盡

始皇帝所為也今襲

號而金石刻辭不稱

始皇帝其于久遠也

如後嗣爲之者不稱

成功盛德

丞相臣斯臣去疾御

史大臣德昧死言臣

請具刻詔書金石刻

因明白矣臣昧死請

制曰可

元至山東求秦石刻如嶧山成山皆久佚泰山石刻於乾

隆戊午歲燬於火惟得舊拓本之罘石刻墮入海鄉福山

官士訪之終不可得惟琅邪臺秦二世石刻巋然獨存是

神物也甲寅春至青州時檄諸城學官物色之以拓本來

遂知之甚悉琅邪臺在諸城縣治東南百六十里臺三成

成高三丈許最上正平周二百步有奇東南西三面瓊海  
迤北爲登臺沙道臺上舊有海神祠禮日亭皆傾圮祠垣  
內西南隅秦碑在焉色沈黝質甚麤而堅若鐵以工部管  
造尺計之後言尺寸皆用此石高丈五尺下寬六尺中寬五尺上

半寬三尺頂寬二尺三寸南北厚二尺五寸今字在西面  
碑中偏西裂寸許前知縣事泰州宮懋讓鎔鐵東之得以  
不頽前知縣事愴父某於碑南面磨平迸裂痕刻長天一  
色四隸字自署名而隱其姓蓋同一有事於此而學與不  
學分矣碑之秦始皇頌詩及從臣姓名久剝去今所存者  
二世從官名及詔書十三行八十六字字徑二寸其首行  
五夫二二行五夫二楊穆皆二世所刻從官名史記所言  
二世元年春東行郡縣李斯從盡刻始皇所立刻石石旁

著大臣從者名是也或指爲始皇從臣姓名之末行誤矣  
自皇帝曰以下與史記文句無少異石上下各刻一線爲  
界下線之下有碎點星星殆椎鑿使然自二行第二字至  
末行第一字有橫裂痕第三行八行十行之前皆有直裂  
至底如雨漏痕第十二行前裂痕半至第五字而止綜計  
每行八字二行與三相間少遠詔書與從臣名不相屬也  
三行止七字者爲四行始皇提行地也後六行八行十三  
行並提行矣末行三字漫漶特甚餘皆可指而識也碑字  
高跂足始可及拓時須天氣晴朗否則霧重風大拓不可  
成碑上薜荔皆滿梢去周視之實再無可辨之文別有熙  
寧中蘇翰林守密令盧江文勛模刻之本在超然臺上相  
距百餘里與此無涉都元敬金薤琳琅所載宋莒公刻本

十七字皆頌詩中語今亦無存元又登岱頂見無字碑碑之高廣厚尺度一如琅邪臺碑所差不過分寸間由此可決無字爲秦石之立而未刻者其刻者反在碧霞宮下耳

泰山石刻

無年月篆書拓本

□□臣斯臣去疾御史夫臣□

昧死言

臣請具刻詔書金石刻因明白

矣臣昧死請

聶劍光

敘

泰山道里記云秦篆刻石先是在嶽頂玉女池

上後移置碧霞元君祠之東廡石高四尺四面廣狹不等載始皇銘辭及二世詔書世傳爲李斯篆字徑二寸五分

宋人劉跋親爲摩拓得字二百二十有三近年摹本僅存  
臣斯以下二十九字末有明北平許口隸書跋乾隆五年  
廟災碑遂亡元藏舊拓本高三尺七寸廣一尺一寸存字  
四行筆意同瑯琊石刻惟字形較大首端界一線中有裂  
痕首行上泐二字下泐一字四行請字下有分書兩行云  
岱史載秦篆碑僅存此二十九字余至泰山頂上從榛莽  
中得之恐致湮沒因口之口口以口口古之遺跡云北平  
許口并題字徑一寸其城內嶽廟一石乃從此翻出者真  
優孟衣冠也元又按嶧山石刻乃淳化四年鄭文寶在關  
中摹刻徐鉉寫本結體分行皆非秦舊今無取焉

西漢石

魯靈光殿賦

無年月在曲阜縣顏氏

嘉慶元年顏教授

崇榮

自靈光殿故址掘得此甄寄示拓

本

元按甄文方徑五寸五分四隅同作圖形如方菱又似

回文非字也攷王延壽魯靈光殿賦序云魯靈光殿蓋景  
帝程姬之子恭王餘之所立也水經注曰孔廟東南五百  
步有雙石闕卽靈光之南闕北百步餘卽靈光殿基東西  
二十四丈南北十二丈高丈餘東西廊廡別舍中間方七  
百餘步又縣志載殿址在今城東南隅此甄出其地爲漢  
製無疑惟隸續所載古甄六種皆有題字此無年月可系  
姑錄於五鳳之前俟議者博攷焉

### 五鳳石刻

五鳳二年六月立隸書後刻金明昌二年高德裔記行書



在曲阜縣孔廟同文門西側

山左西漢石刻此爲最古筆意簡樸非漢安以後所能及也石高一尺一寸廣一尺九寸厚一尺字刻右方周七寸朱竹垞以爲甄者由未親見其石耳

居攝墳壇二刻

居攝二年二月造篆書拓本俱縱廣五寸橫廣六寸在曲阜縣孔廟同文門下

右二石形製已詳牛空山

爰運

金石圖首題曰祝其卿上

谷府卿卿卽丞也洪氏於隸續新莽侯鉦跋內論之甚精核近有以卿作鄉者謂漢時官制有鄉侯亭侯此省一侯字不知二篆實作鄉非作鄉也古人省字義原顯明若鄉侯省侯字而止曰鄉則不詞矣

東漢石

延光殘碑

延光四年六月立并額俱隸書碑高三尺一寸餘廣一尺四寸四周有邊中界直線在諸城縣署

此碑自乾隆十二年宮懋讓辨識之後近日著錄家所釋之字大約相同元得舊拓本中間泐處尙有可辨者如第

一行是吾上二字似神君第二行維恩上間二字是延平下二字作廿頭左旁从卩又下一字左旁亦作卩玩其文

義此君之父卒於延平初其母寡居至延光四年適符廿年下稱口我都官乃吏民頌述其子之辭惜姓氏無傳耳

此碑類嵩山延光殘刻屈曲古勁若符印文所謂繆篆是也碑額橫書首似孔字

孝堂山畫像

無年月題字俱八分書在肥城縣西北六十里

胡王

成王

相

大王車

右畫像原題四列分見各幅

平原濕陰

邵善君

以永建四年

四月廿四日

來過此堂

叩頭謝

賢明

安吉

右畫像續題七行又二字皆在第六幅

泰山高令明永康元年七月

廿一日敬來觀

記之

右畫像續題三行在第三幅

按各種畫像皆有一定次序因未見其石姑仍拓本原次錄之而先發凡於此

第一幅在石室南向正面之東上廣五尺五寸中幅下闊長一尺五寸左右俱長二尺六寸畫像自右而左右刻方

勝文錯綜如簞次橫直二邊刻錢文二枚三枚相間以線貫之次界橫直二線岑樓二層左右各有阿閣二層瓦櫺上俱綴鳥獸而左閣畫一鷹搏兔狀鱗瓦直文皆作曲筆樓之上層九人相向而坐下層中懸弧矢左右執版立者十二人右閣中層二人執版下層四人執簡策俱左向立左閣無之又左岑樓二層形制同前祇存簷柱一邊上中下及柱外人物全存者十二人半存者三人最下一層車坐二人後隨一馬車前已闕樓下層懸弧矢處有定州王郡孫字左閣下柱有十二月十五日字左樓下柱有全文字蓋皆後來遊覽者所刻者也

第二幅在石室南向正面之西尺寸形式同前似連前幅而左右仍分列也右邊樓下有孫相二三字左有室弋主

三字右闕下柱有王字左樓下層七人中間有王回字左闕下柱有建字壁字左邊有而字生字亦皆後人題之

第三幅未詳所向畫自右而左上層中列五人俱戴冠盛服右三人左八人皆執笏侍左首四人後有小八分三行題云泰山高令明永康元年十月廿一日敕來觀記之頗有褻斜道碑筆意如長戟快刀互相撐拄也又間一人內題小字一行惟山陽二字可辨又左一人冠服立左侍三人右侍四人又左闕下半惟左右向者五人可見中層管帳數重皆有兵士執弓向左立又有乘騎出帳射者帳外坐一人背題胡王二字類曹全碑此與後幅成王相大王車確是初畫像時所刻餘俱後來續題也胡王前有一人執笏向跪旁有甲士三人執弓侍立後又二人相向坐中

置一几各執二筋上有物如珠餘皆作戰馬交馳戈刀聲  
刺狀又左一人右向坐三人反縛跪向之若鞠訊狀旁置  
一架插二斧縣三人頭旁有執刀立者下層畫出獵狀四  
人荷畢驅羣鹿一人在前似搏虎虎後一豕左二人乘車  
捕之一張弓一持戈又左殘闕但存五六人及簷柱形而  
已其後人題字則上段中幅有不似牛字左三人內有汜  
字又有庾其連權乃歸等字最左有北十里字

第四幅在石室東面西向上銳下平中高二尺三寸左右  
斜殺向下平處廣六尺四寸畫自下而上首二層各一車  
一馬車皆坐二人御一人騎從一人騎導九人執戈步導  
二人第二層空處皆綴飛鳥三層一人戴冠正坐右四人  
左三人皆跪侍執戈二人在右又其左二人頭而如牛馬

皆跪執花枝旁有一烏三兔一兔作執杵搗藥狀四層二人各縣木上二人向左昇跪迎者一人攜嬰孩立其前五層在鼓上銳處二人左右相向跪右一人衣冠執物向左身如蛇尾右旋旁有赤身童子跳躍左一人持杖逐犬後又有一犬隨之此幅無題

第五幅在石室東間西而東向上銳下平中高二尺下廣六尺形式同前畫升鼎故事中間河道甚寬兩岸各四人曳繩岸側壘方石爲礮一舟二人一執槳坐一持竿升鼎鼎作傾側狀有足有耳左耳繫繩貫於河口植木之上穿闕板孔而出四人曳之右耳已斷其耳尚在繩端穿於右岸木上四人曳之則寬無力矣按藝文類聚引南越書曰熙安縣山下有神鼎天清水澄則見鼎刺史劉道錫嘗使



繫其耳而牽之耳脫而鼎仍沉執鞞者莫不疾耳蓋尉佗  
之鼎也此畫頗類之又有三舟舟各二人左右舟皆持槳  
閒坐惟中舟作捕魚狀礪左飛五鳥又一鳥落地二人對  
坐中置弩弓礪右二鳥二獸鳥有雙頭有三人頭者獸有  
二人頭相對有二人頭在首尾相背者其上一樹花葉相  
交二鳥飛翔一人射之人旁題字一行云景明二年口月  
十二日口口口景明爲北魏宣武帝年號礪上平頂處右  
立二人左俯三人下層三車三馬皆無蓋右行車各坐二  
人有執符者後從二人一騎一步前導三人二騎一步又  
一人執版向左俯迎步導二人後題一行云景明二年十  
月左邊從騎之後存一王字

第六幅在石室西間東面西向上銳下平中高二尺二寸

下平處廣五尺九寸中畫大橋有闌闌左右各植一竿竿頂方斗各集一鳥旁有數鳥隨之上銳處堂有二龍首下垂中坐一人周遶雲氣殆神佛也橋正中一車右行顛蹙一馬一人曳其繩衣冠者御者各一人俱墮橋下河中四舟舟各二人並舉篙向上作救援狀舟旁羣魚繞之橋上馬前更有一無鞍馬空行蓋兩馬駕車而逸其一也橋右三騎向左行左五騎向右行一人執戈步從五騎中執戈者三人橋下左邊題永建四年八分書七行字徑一寸永建漢順帝年號題云來過此堂則堂之建立已久矣橋下右題八分書安吉二字筆意同上亦一時所刻因見墮車者已得救援祝其安神之義然則畫象非永建時所刻明矣上圓堂內有後人題細字一行云山東濟南府濟南衛

旁有郭祥字濟南稱府自金始也其右有南陽張字橋右  
闕有南陽字有尚字其右三騎上有安字有泰山安德與  
字

第七幅在石室西間東向上銳下平中高二尺八寸下廣  
六尺三寸橫列五層上一層二人向右一執物一兩手上  
舉皆有雲氣繞之執物者右一人端坐又右左向二人手  
執物右向三人舉手者左有四人右向皆執物二層屋一  
楹簷口縣弧中坐一人執弓左向左柱內外二人相向立  
在內者手執物屋左一車右行中坐一人手執雙物如鏡  
其端有孔車上一索貫四星下覆車前四人曳行又一人  
足一屈一伸兩手執器而吹器作一輪八刺狀車後四人  
隨行內一人兩手舉盆以頭承之盆中栽物如蘭葉一人

荷物如榦餘漫滅屋之右柱外二人執版向左立又二人手足桎梏右向其右四人皆各相向有執刀者第三第四層從左起兩車兩馬向右並行車中各坐二人騎從步從皆二人騎導步導皆四人又前一駝一象駝左立二人駝後立一人象左立四人俱執物如鉤象項下繫物如筐駝象前三人執弓步導四人騎導俱右向又前二人執版左迎內一人首題八分書相字與前幅胡王筆意正同此後又有執戈者四人執版者四人俱左向立第五層中一人正立上題八分書成王二字與上層相字同其右執笏分左右相向侍者十七人左執笏右向侍者八人十七人之右又一人彎弓右向旁立二童子其前一人負畢向右行上下皆綴禽魚此下尚微露車蓋馬蹄及廚傳雞魚影迹

惜拓本未全其第二層四人曳車下有景日二字三層車馬前有玉璪璋日十至六字四層二人執戈前導中有先天二年十月廿五日九字可辨五層成王左有來觀字人字又間三人有侯泰典口興二年三月三日字

第八幅未詳石室所在高九寸廣三尺八寸右列圓圖圓中倒畫一鳥乃日象也圖右一鳥右飛上有七星及雲氣繞之圖左一女坐機紡績首有三星後繞七星一星居中六星分左右如箕左列圓圖圓中蟾兔俱倒垂乃月象也圖右三星左七星此幅無字

第九幅高一尺廣五尺三寸餘中畫二車各二馬車中各坐三人二騎前導十二騎後從有佩弓矢者有吹器者後一騎執物似鏡馬上復植一器後車前各有一飛鳥後車

前題十有二復三月等字皆後人所爲也

第十幅高一尺廣五尺一車駕四馬有程有蓋鏤刻工細  
車坐一人一人執轡車蓋左題曰大王車與前成王諸題  
同騎從四人騎導十二人前有二人步導手各執物近車  
二導騎之前有一車駕二馬一人御車廂哆口如箕中坐  
四人各相向如作樂狀車中柱一柱擎物似鼓下繫二鈴  
旁各立一人舉物作跳舞槌鼓狀柱端有蓋二帶下垂此  
車前後亦有後人所題小山上紆及來遊等字

以上石室畫象凡十幅皆前秦安令江君

清次子

親

至祠下手榻以屬并繪圖記之有未詳者蓋偶略耳石室  
二間皆南向上用石蓋如人字下覆後壁及左右二壁畫  
象間以雙柱柱間有唐宋人題字詳載第十三卷上橫石

梁承之兩面亦有畫象壁外左間塑神象三俱南向左壁  
西向神象二右間塑神象一南向右壁東向神象二下皆  
有座高尺許以土石築成右間祠外立北齊隴東王感孝  
頌碑後有唐開元間續記文詳第十卷第十二卷此石室  
之制也郭巨埋兒事出搜神記但據隴東王感孝頌云分  
財雙季獨養一親客舍凶弭兒埋福臻則當時埋兒別有  
客舍凶弭之事亦不似搜神記所言矣縣志載孝堂山上  
有石屋漢孝子郭巨葬母之所感孝頌又云郭巨之墓馬  
鬣交阡孝子之堂鳥翅銜阜又似指爲郭巨葬所也陽曲  
申大令兆定云孝堂山畫象舊說是郭巨石室案諸家金  
石書載李剛魯峻武氏皆有石室畫象大都雕刻聖賢故  
事及其人所歷官職如李剛刻云君爲荊州刺史時魯峻

刻云祀南郊從大駕出時又云爲九江太守時武氏刻云  
此君車馬君爲都口時君爲市掾時爲督郵時皆明證也  
此畫象中騶騎步卒大車屬車鼓車儀衛甚都雖無題識  
要非郭巨墓中應有而斬馘獻俘覆車墮河二段亦非無  
謂而作覆車著戒固是古人用心然一車兩馬騶從如雲  
非泛常可比意者卽爲墓中人實錄未可知也元案此論  
甚確前幅永建題字有來過此堂叩頭謝賢明之語賢明  
乃感誦之辭似非爲郭巨而作後人失傳以堂近郭墓遂  
皆浴爲郭巨之墓耳

此書編纂已畢將付刊矣丁巳三月得錢唐黃司馬易書

云郭巨石室尚有建安二年高令春及天保九年劉章武  
定二年南青州刺史鄭伯猷題刻鄉未見者又云近日濟



南泰安一帶新出六朝唐人石刻甚多皆未錄入待好古者勒爲續編

北海相景君碑

漢安二年八月立并陰俱八分書篆額碑高九尺九寸廣二尺四寸餘上銳下方穿居其中在濟寧州學戟門東側按此碑雖甚殘缺然以今日洗石精拓之本與隸釋校勘細玩影迹所不辨者十數字而已亂曰碑文作爾或云辭字周救救銘辭字作圖不加辛碑蓋仿此字原以此字爲辭又以為亂隸釋則專釋爲亂从說文爲讀若亂也銘內思彌下是盛字幹禎上是堅字又仁毅海代諸家皆釋爲海外今按碑確是代字卽岱之省文也碑陰列臣吏姓名五十四人惟行義一人上無故字未曉何義後二行紀立

碑之事亦作韻語三載下是已究二字不獨碑跡顯然義  
亦可通究終也謂衛墳三載則守制已終當離墓側也大  
典翁闕學方無兩漢金石記釋爲五究乃沿張力臣之誤  
耳

敦煌長史武班碑

建和元年二月立八分書篆額陰正書三字碑高六尺六  
寸餘廣二尺七寸上銳下方額下有穿在嘉祥縣武氏祠  
碑載洪氏隸釋乾隆丙午秋黃司馬易得於嘉祥武宅山  
下今立祠內額首漢字乃趙氏金石錄所增碑陰題武氏  
碑三字并洪氏亦未見也嘉定錢少詹大昕謂筆意近六  
朝人斯言不誣碑文殘泐最甚案釋辨之僅得三百餘字  
黃君曾校正洪氏數處重摹付梓案洪氏貪其高賢下缺

二字今碑作力少疑力是幼字謂食慕其高賢尚幼少也  
漢順帝陽嘉元年初令郡國舉孝廉限年四十以上其有  
茂才異行若顏淵子奇不拘年齒據武氏石闕銘云宣張  
案班字仕濟陰年廿五曹府君察舉孝廉云云此爲高賢  
宜張幼少之證曉忽徂逝下缺四字今碑第四字是宮字正與  
韻叶不享缺考句今碑考上作元是者字士女悽愴下缺  
今碑有旌字其下金門今碑作金石謂旌其行於金石故  
下云令問不忘題名防東長一行下有嚴祺字伯魯五字  
隔越甚遠凡此皆可補黃君所未備也

武氏東西石闕禁象

銘題建和元年三月造八分書在嘉祥縣武氏祠前

西闕東向凡三層高一丈二尺許廣二尺第一層一人左

向拱立冠銳背有毛鬣無足有尾右旋二層一龍昂首垂尾四足向右龍首加刻八分書武氏祠三字徑五寸蓋先有畫象而後人續題此字也三層一人拱立無冠首有紋如網短衣露袴背橫一物如魚足下又有一魚鱗鬣較分明也

西闕北向凡六層高廣同前第一層作羣鳥環繞狀二層牛馬各一三層一車一馬車坐一人騎導一人四層左右凡四人偶立相向右一執物有一目一童子被髮手執一物有柄柄末一團垂地其二人各執物如刀劍五層一獸虎頭兩耳中間毛鬣盪起下二獸蟠繞如龍身有斑文皆掉尾銜入口中此卽翁闕學所云獸首如石闕之狀者也最下二魚一已漫滅虎頭兩旁有物若箭鏃卓立六層刻

建和元年題字八行行十二字

西闕南向凡七層高廣同前第一層一物尾足具備頸有鱗甲當是龍也二層右泐左有一虎三層一人右向執物如拂一人左向跪右立三人皆冕服執笏一人隨之四層一車一馬車坐一人騎導一人五層六人同行左一人執物如珪六層凡五人一兜牟戎服跳躍顧盼一窄衣結束右向而舞一右向立臂有一圈圈下長幅如輓巾一冠服向左亦有輓巾一被髮童子向左立七層一車一馬車坐二人騎導一人

東闕西向凡三層高廣同前第一層有獸虎頭下頰已泐有一圈中穿似璧二層一人戴冠左向兩手執物如旗漫滅大半下刻分書武氏祠三字字亦殘泐三層皆漫滅難

辨

東闕北向凡五層高廣同前第一層一虎左向掉尾勢甚  
猙獰二層亦有一虎已碎裂三層二人乘馬左向左亦泐  
四層上下多漫漶上一人向左有冠左旁似有屋宇一鳥  
昂首僅露一目下隱隱有車輪其上車箱稍見右邊刻鏤  
之文五層剝蝕更甚有虎面及二物蟠繞掉尾之象

東闕南向凡七層高廣同前第一層一龍左向鱗甲分明  
二層漫滅三層中立一人拱手左向足有履左右各侍二  
人四層一獸雙足踞地掉尾犛首攢八人冠冕面目悉  
備下各垂一線系於獸頸旁又一獸露爪踞地身有一人  
正立於中左右二人相背又二人左向立五層並立五人  
六層亦並立五人俱大半漫滅七層漫漶更甚微存影迹

一車一馬車坐二人左又一人乘車而前皆向左行  
西闕頂上下層皆高四尺許北向上層祇一列中二鹿一  
人作徒搏狀下層凡四列第一列與下列相連蓋岑樓之  
上層也樓前闌檻工緻中二人正襟端坐頗類神佛樓外  
左右相向侍二人似各執物惜大半漫滅二列爲岑樓下  
層一馬左向右似立一人泐不可辨樓外左右相向立武  
士二人皆執戈兩刃亦相向三列二人相向似武士  
振身左則手執刀劍象甚勇猛又二人相向立四列左右  
相向者四人大半殘泐 南向上層祇一列有爵首右  
一羽尾有三翎左一龜有蛇蟠之蓋元武也左右上角各  
綴一鳥下層凡四列第一列岑樓上層樓中漫滅不可辨  
左右簷角各立一獸頂左右二爵相向柱外左右各坐一

人右又一鳥首有一羽餘泐二列岑樓下層一馬面向  
外一人執竿竿首有物一人雙手執物緣樓而升二列上  
人端立旁一人執幢覆之又左右二人鞠躬侍立四列上  
車一馬車坐二人導騎一人限於石祇刻後半

東闕頂上下層高與西闕頂同北向上層一列二獸向左  
奔在左者狀類馬而身有斑文下層凡四列第一列岑樓  
上層坐二神人衣皆圓轉圍繞柱外左右各一人手捧物  
兩端皆有界線樓頂二爵左右向二列岑樓下層一馬向  
左左柱外拱立一人向左右柱外發以石級一人拾級而  
登大致與南向升梯者同三列一神端立冠作三丫形眉  
目炯然旁一人持幢覆之其右二人左右相向立四列一  
虎左馳 南向上層一列二虎相向下層凡四列第一列



岑樓上層樓中漫滅柱外左右二人正立樓頂二爵對立  
右簷角蹲一獸再右似飛一爵向上又有二魚一爵二列  
岑樓下層一馬向左柱外左右各立一人執戈相向三列  
一神拱坐鬚眉森戟腹間纏繞一帶有錯綜文其端有環  
系腋下前有二人羅拜後一人執旗而立四列二武士乘  
馬各執兵器左有一人乘馬向右

案二石闕方徑二尺高一丈五尺許三面皆畫惟左闕之  
西面右闕之東面無畫蓋當時石室周有發膚此二面在  
膚之起處故無畫也闕皆壘石如柱上半雕刻岑樓二層  
間以瓦楞形若鐙臺故土人名其地爲鐙臺窟由來久矣  
樓之上層刻畫尺許下層刻畫三列其上列又作岑樓二  
層中刻人馬鳥獸畫雖不工然筆勢奇偉可觀也銘文八

行趙氏有專條洪氏則附於武班碑下班碑未詳察舉之  
歲此言其年廿五則舉孝廉後除敦煌長史薄伐匈奴邦  
域既寧久勞於外當有數年之事卒時約在三十內外矣  
武梁石室畫象三石

無年月題字皆八分書在嘉祥縣武氏祠

第一石高五尺四寸廣四尺許第一層分三列上列中銳  
左右斜殺從右起有一鳥次一人臥地次一人半泐次小  
草一本次三小兒跌撲狀次二人俯伏狀以上皆右列次  
坐一人冠五梁肩二翼手端拱足跣趺有座承之座刻連  
環文二獸繞其下右侍一人左向右肩一翼右手拊坐者  
之翼又二人左侍一執旗一肩有一翼其左一龍右向下  
一人仰跌在地人面獸身肩二翼尾有羽次列刻反覆連

環形下列有棗核形二俱橫貫於左此層隸續無之 第

二層自右而左後皆仿此有二人右為伏羲冠上方下圓邊仰

上前有幅斜向冠下有纓繫項冠後似有約髮者後冠式多仿此

衣長及腰項領兩袖亦及腰皆刻斜文似緣邊狀衣下有

直文縫幅痕也伏戲時冠裳未備此刻蓋就當時所服用

者為之左手拊膺右手執物似矩所以造工業者也下身

有鱗無足有尾環繞向左左一人冠五梁面助身同伏羲

尾亦環繞與右相交中間一小兒右向手拽伏戲之袖兩

足不分如尾象天開於子生民之初也左有八公書題榜

下俱仿此一行云伏戲倉精初造王業書卦結繩以理海內凡

十六字其上橫列間段作山形世至左海下又橫界一線

闊四分隸續載右角有武梁碑三字不可見六次一人

右向冠有兩翅面目全泐左手舉向古右丁部屨衣不掩  
膝足有履襪題云祝誦氏無所造爲未有者欲刑罰未施  
凡十五字造字半泐祝誦卽祝融者卽噎字次一人冠服  
同前右向俯首注目視地兩手執器蓋耒耜之屬也左平  
案其下右手執其上象辟土種穀之意題云神農氏因宜  
教田辟土種穀以振萬民凡十五字辟字半泐次一人左  
向首戴冕旒上衣下裳蔽膝有蒂而無繡文左手向右指  
右手拊膺題云黃帝多所改作造兵井田口衣裳立宮宅  
凡十六字泐一字次一人拱手右向面泐自此至帝舜服  
飾並同黃帝惟此無膝蒂題云帝顛頭高陽者黃帝之孫  
而昌口口子凡十五字泐二字次一人右向兩手拊膺自  
此至桀面皆畫鬚題云帝佶高辛者黃帝之曾孫也凡十

一字次一人右向左手舉向右手拊膺題云帝堯放勳  
其仁如天其知如神就之如日望之如雲凡二十字次一  
人題云帝舜名重華耕於歷山外養三年凡十三字次一  
人左向冠上銳朱竹垞謂卽禮所云母追者是也服飾皆  
如祝誦左手舉向右手執器蓋隨絜之具也題云夏禹  
長於地理脉泉知陰隨時設防退爲肉刑凡十八字次一  
人右向冠如伏戲衣裳如黃帝右手執戈前後二人夾輔  
冠皆五梁身著長衣作跪受乘坐狀左題夏桀二字 第  
三層有機織具一人坐於架上踏車轉籩左手向機右手  
向左作訓示狀首似有幘裹髮衣同男子無裙履絢差小  
足下橫列題云讒言三至慈母投杼八字機後一物落地  
蓋卽杼也後一人冠服跪向上題云曾子質孝以通神明

貫感神祇著早來方後世凱式口口撫綱凡六行行四字  
泐二字著早來方早字舊釋爲灵黃司馬易云以灵爲靈  
後人俗體而曾子之孝亦不必言著靈玩其筆法當是早  
字著早者著曾子之孝名也此說較長末句口口撫綱撫  
卽模字說文云無或說規模字是模可作無此又加木旁  
耳橫線之下空二寸又一橫線線下文如水波此下又一  
橫線俱貫左邊曾子後一車一馬向右行車一轅在右輪  
內繫於馬頸凡漢畫象車皆一轅或左或右不在車之正  
中後皆仿此車蓋有四等一單擎一蓋一蓋之四角有柱下垂  
車中一車上左右有廂板一無蓋而蔽以篷圓如穹廬此  
車是單擎蓋也車前坐一童子爲閔子後母弟車後坐一  
人爲閔子之父左手挽棹右手拊閔子之背而與語一人

跪於車輪後者卽閔子也車前題云子騫後母弟子騫父  
凡二行八字車後題云閔子騫與假母居愛有徧移子騫  
衣寒御車失棰凡二行十九字假母卽後母也徧卽偏字  
漢隸往往以彳作亻棰諸家皆釋爲稊字謂與鞅同今黃  
君小松云是棰字與上句移字爲韻蓋卽鞭筴字也从木  
與从竹同意次二人坐於左上施帷幔座間皆有雕文座  
下平列題萊子母萊子父凡六字母右一人冠服舉袖而  
舞卽萊子也又一人跪於後者蓋萊子婦也此上題云老  
萊子楚人也事親至孝衣服斑連嬰兒之態令親有驩君  
子嘉之孝莫大焉凡六行行五字斑連卽斑斕次一人端  
坐面目冠服不甚分明亦有帷幔一人冠服拱手跪座右  
後又跪一人又有一獸似立似踞上題云丁蘭二親終歿

立木爲父鄰人假物報乃借與凡四行十八報字半初

二親終歿而刻象祇一人舉父以該母也 第四層一人

冠服而坐左手拊膺右手舉向左榜題齊桓公三字左一

人俯身向右持匕首作刳刺狀榜題曹子刳桓四字右一

人執笏侍立榜題管仲二字又一人立曹子左冠服同齊

桓公左手舉向右手拊膺榜題魯莊公三字案曹劌史記

作刳桓時魯莊公未嘗在列此畫魯莊者蓋許反侵地時

魯莊亦與盟也四榜分題四人之左此一列上有山形再

上有橫線又上有二棗核形皆橫貫左邊次一人右向坐

冠服同齊桓左手舉向右手執兵器左題吳王二字前

跪一人兩手捧魚魚下似藏匕首胷及臂有物相夾兩榦

甚長後有二人曳之上題二侍郎三字又題專諸炙魚刺



殺吳王八字案左傳云門階戶庭皆王親也夾之以鉞此  
二人所曳者殆卽鉞也不云王親而云侍郎與左傳異吳  
王之右上綴一鳥下有一器陳於座前意卽受食物之具  
也吳王榜內有荆字卽下段荆軻誤刻於此專諸本名鱖  
設諸吳越春秋云吳王嗜魚之炙專諸乃去從太湖學炙  
魚三月得其味故云專諸炙魚也次一人向左作散髮狂  
奔狀榜題荆軻二字一人兩手反背夾持其腰地有一篋  
啟蓋內盛人頭榜題桀於其頭四字旁伏一人榜題秦武  
陽三字左有一柱柱間一刀下墜史記所謂荆軻引其七  
首以擣秦王不中中銅柱者是也柱左一人作驚避狀榜  
題秦王二字秦王祇存右半左已泐矣其一人無題榜者  
殆卽侍醫夏無且歟其卽期字案孔子閒居夙夜其命宥

密注詩讀其爲基士喪禮度茲幽宅兆基注古文基作期  
是基其期古皆通用武陽卽舞陽左傳蔡侯獻舞穀梁作  
獻武是舞與武通也壬卽王字見魯峻碑陰 第五層二  
人乘馬向左一人左執劔右執旗隨之次一車一馬車二  
輪坐二人一轅在左車上圓覆狀如今之席篷次二人乘  
馬列於車前內一人腰懸弓韋次一車一馬車上左右有  
壁覆以頂狀如今之車廂坐二人次二人乘馬皆執兵器  
此層無題字畫下橫一線又空二寸一橫作連環形直至  
左 第二石高五尺廣四尺四寸第一層分三列上列形  
式同前從右起有一鳥之首一翼尾有三羽次一人斜撲  
向左冠三梁衣與袴連次一人似乘一馬向左正中一人  
端坐兩手拊膺肩有二翼飛向上冠作三層形右一人跪

侍左肩有翼冠上似有一羽後垂左一人侍立冠服與右  
同亦有一翼右手執物如旗坐者之右一鳥橫飛向左左  
一物首如鳥左手搏坐者之翼右手拊膺衣似羽尾有斑  
文飛向右次一獸向右似有人乘之泐不可辨次四人內  
一人作相搏狀一人橫撲於地中列自右向左皆作翻覆  
連環形此下空二寸有橫線亘左間段有二棗核形隸續  
無此層 第二層屋瓦鱗次左楮一柱柱右一人右向柱  
左一人冠服跪向右手持一物如節麾榜題使者二字上  
端作山形橫貫左邊次一屋屋瓦鱗次左右二柱右柱一  
兒仆地榜題長婦兒三字一婦人被髮從左柱入右手欲  
援長婦兒榜題梁節姑姑四字後一婦人以兩手援梁節  
姑姑之左手榜題救者二字救者上角二小兒兩手相搏

橫題姑姊兒三字下榜題云姑姊其室失火取兄子往輒  
得其子赴火如亡示其誠也凡二行行十二字案此事見  
列女傳長婦兒者長婦是梁節姑姑之嫂兒則姑姑兄子  
也室既失火兄子與已二子俱在室中亟往援之先得已  
子次欲援兄子火勢已危故救者力援之出而姑姑不忍  
兄子之死所謂赴火如亡也次一人佩劍乘馬向左榜題  
追吏二字一兒舉手向右跪作求訴狀榜題後母子三字  
一人被髮臥地榜題死人二字一人執物向右立榜題前  
母子三字一婦人向右立舉左手向右右手拊膺榜題齊  
繼母三字案列女傳有齊義繼母者齊二子母也宣王時  
有人鬪死於道者吏訊之被一創二子兄弟立其旁兄曰  
我殺之弟曰非兄也廼我殺之期年吏不能決言之於相

相不能決言之於王王召其母問何所欲殺活其母泣而對曰殺其少者少者妾子也長者前妻子也其父疾屬妾善視之妾曰諾今豈可忘人之托而不信其諾耶王美其義高其行皆赦不殺而尊其母號曰義母據此但稱吏而不云追吏且吏訊二子時母未嘗在旁也此畫蓋合前後總繪之其云追吏必有所本列女傳略之耳前母子手執之物似卽致死之械傳所謂被一創者是也次一室二柱措瓦如亭室中一牀臥一人榜題京師節女四字節字半泐左柱外一人撲入室中舉手向臥者榜題怨家攻者四字案京師節女長安大昌里人之妻也有讎人欲報其夫刳其妻之父使要其女爲中譎父呼女告之女計不聽則殺父聽之則殺夫乃曰旦日在樓上臥者則是矣妾請開

戶牖待之還告其夫使臥他所自開戶牖而臥夜半仇家  
至斷其頭去明而視之乃其妻也仇家痛其有喪遂釋其  
夫事見列女傳 第三層左右二人相向中一人跪向右  
上題三州孝口也五字泐一字下間橫線一空二寸有橫  
線二中作水波文下間段作棗核形俱橫貫左邊此列自  
題榜孝字起至下列趙襄子之襄字又下列牛象之後裂  
開爲二翁開學每誤分之今黃小松建祠重立始合爲一  
次一人左向坐旁置一甕上有瓠榜題義漿羊公四字左  
一人衣冠向右立右手拊膺左手與羊公手相接榜題乞  
漿者三字上有二點殆點綴物也案搜神記有楊雍伯義  
漿事此作羊字與彼異次一人拱立執物左向榜題湯父  
二字左跪二人一髮尚髻髻一榜題魏湯二字童子上有

一鳥次一人向左坐右手拊膺左手向下榜題趙口者三  
字泐二字右一童子右手拊坐者左肩又右似樹一叢樓  
一鳥榜題孝鳥二字鳥字半泐坐者上橫一獸已泐次一  
人左向立左手拊膺右手向左指榜橫題孝孫父三字前  
一童子右向執一器器有二足榜題孝孫二字左坐一人  
右手拊膺左手向右指榜題孝孫祖父四字其上一鳥橫  
飛向右 第四層有檻如舟檻外伏一人檻上一人以右  
手捫其髮橫題王慶忌三字伏者榜題要離二字慶忌左  
右有二人執戈夾侍案要離刺慶忌事詳呂氏春秋及吳  
越春秋皆以慶忌爲吳王僚之子出亡在衛問使要離  
如衛殺慶忌涉江拔劍刺之慶忌捫要離投之於江未死  
要離歸吳遂自殺此當云王子慶忌而直稱爲王慶忌所

未解也次一車一馬右向中坐二人前一人榜題趙襄子  
三字襄字僅存上半後一人殆御者也馬作驚躍狀旁一  
人仆地而無首榜題豫讓殺身以報知己八字豫讓右一  
人執劍向左立意卽襄子環侍之兵也事詳戰國策次一  
人左向坐狀甚雄偉榜題韓王二字案國策史記聶政所  
刺者爲韓相俠累此題韓王與彼異前一人跪向左手執  
劍右手執物如琴有圓孔中綴五線榜題聶政二字其後  
又跪一人案史記云聶政杖劍至韓直入中階不言有人  
偕行亦不言更執何物也又一人執劍俯身向聶政作欲  
殺狀史記所謂持兵戟而衛侍者甚衆左右大亂云云此  
從省祇圖一人耳上端又有一獸次一人右向立左袖披  
物如幌巾榜題齊王二字左一女子右向立冠五梁長衣



榜題無鹽媿女鍾離春七字案媿卽醜字鍾離春齊無鹽  
邑女也貌甚陋年四十無所容自謁齊王謂有四殆王歎  
納之見列女傳隸續誤分爲二以右一人跪者爲無鹽媿  
女左一人立者爲鍾離春不知跪者本屬前幅在聶政後  
屬此無謂洪氏辨之未審耳 第五層首作廚爨事有竈  
釜瓢杓之器及雞一鳴一魚二豕首蹄各一竈左有婦人  
執炊一男子曲身伸臂作取物狀上飛一鳥男子左有小  
兒彎弓射之次左亦一鳥有木架橫貫一木繫以長繩繩  
端有器置井闕上架旁一婦人右向汲水回首顧左一男  
子執物倒垂似犬此層畫下橫線及連環形同第一石次  
一牛一車向左行車有廂有篷車中人泐不可見榜題處  
土二字土卽士字隸變耳左一馬一車向右行車有蓋中

坐一人是御者車前一人跪向右兩手捧物如書幣是迎處士者榜題縣功曹三字其上又有一獸

第三石祇四層無銳頂高四尺廣六尺八寸第一層一人左向坐上施幃幔左手援鏡右手持刀榜題梁高行三字右一人執物如旗左一人捧物跪向右榜題奉金者三字後立一人手執節旄榜題使者二字案列女傳載梁高行蚤寡貴人多爭娶之不能得梁王使相聘焉高行乃援鏡操刀以割其鼻曰妾已刑餘之人殆可釋矣王高其節號曰高行此圖其事與節姑姊一幅並屬漢之梁國也畫上有二橫線中刻棗核形下作山形此下又橫一線皆貫至左邊次一車二馬向左行車有廂有蓋中坐御者左有桑樹一婦人採之下承以篋首左顧左一人冠服向之榜題

兩行秋胡妻魯秋胡六字案列女傳載秋胡娶婦五日去而官於陳五年乃歸見路旁婦人採桑悅焉婦人採桑不輟秋胡遂去至家喚婦至乃嚮採桑者也婦曰子束髮辭親往仕五年乃悅路旁婦人以金子之是忘母也好色淫泆是污行也妾不忍見子改娶矣妾亦不嫁遂去而投河死此豈其途遇事次一婦人右行而首顧左榜題義姑姊三字右手抱一小兒榜題兄子二字左手下垂援引一童子橫題姑姊兒三字姑姊二字半泐左一車二馬右行車有葢四角有柱中坐二人一是御者一手執節旄榜題齊將軍三字軍字下泐騎導一人步騎一人皆舉手向義姑姊案列女傳載齊攻魯見婦人攜一兒抱一兒行軍且及棄其所抱抱其所攜兒隨而啼婦行不顧齊將問之對曰

所抱者兄之子所棄者妾之子力不能兩獲故忍棄子而  
行於是齊將按兵而止曰魯未可伐也婦人猶持節行況  
朝廷乎魯君聞之賜以束帛號曰義姑姊卽其事也此列  
自步導一人至下列題榜孤字石裂爲二翁閣學亦誤分  
之次一室上有瓦右楮一柱中坐一人左向舉手右指榜  
題二行楚昭貞姜四字柱外二人一執旗向內按貞姜者  
楚昭王夫人越女也昭王出遊畱夫人漸臺之上江水大  
至使人迎之忘持其符夫人不行使者還取符臺崩夫人  
死昭王嗟曰守義死節不爲苟生處約持信以成其貞乃  
號曰貞姜事見列女傳 第二層一婦人向右立執杖柱  
地榜題榆母二字右一人跪向右榜題二行柏榆傷親年老  
氣力稍衰苔之口愈心懷楚凡十七字泐一字傷字半泐

蓋以柏榆爲伯俞也跪者右肩又題一悲字因前榜已足  
補書於此嚮皆未辨乾隆癸丑黃小松精拓見之悲與衰  
爲韻有此語意方足翁閣學云柏榆上闕幾行幾字不可  
計今案拓本此二行已逼右角其上卽是橫線無闕文也  
次一室上疊瓦左右二柱室中一人正坐榜題渠父二字  
左一人跪向右手撫坐者之肩左手舉雙筋榜題邢渠哺  
父四字邢渠事古今記孝行者遺之次樹一叢樹右一獸  
左一車輪一人坐於轅上右手執杖左手高舉榜題永父  
二字左一人背立向地取物首顧坐者榜題蓋永千乘人  
也六字也字半泐左右空處各綴一獸半泐次一婦人袖  
手向左立榜題章孝母三字一人冠服拄劍立榜題朱明  
二字一人右向一手左指榜題朱明弟三字一小兒手亦

左指足下橫題朱明兒三字兒字已泐左一婦人右手援  
兒左手拊膺榜題朱明妻三字朱明兒上點綴一鳥次多  
殘泐惟存一人左手撫筐內小兒兒上題榜半存孤字案  
隸續尚有李氏遺孤四字考列女傳東漢李固以梁冀肆  
惡遣子基茲變歸里變年十三姊文姬爲同郡趙伯英妻  
密謀豫匿託言還京師人不之覺難作州郡收基茲皆死  
獄中文姬乃告父門人王成曰妾委君以六尺之孤李氏  
存滅其在君矣成保全之將變乘江東下入徐州界變姓  
名積十餘年梁冀誅乃還鄉里追行喪服姊弟相見悲感  
旁人桓帝詔求固後得變焉以隸續合之意卽此事次一  
室有疊瓦左楮一柱室中一人惟存上半榜題騎都尉三  
字左柱外一人微露雙足此幅亦因石裂多缺 第三層

一人冠服佩劍左向立左手上指右手奉璧榜題口相如  
趙臣也奉璧於秦十字首一字闕其下四字半泐左一人  
亦冠服佩劍向右立榜題秦王二字後一人執笏侍上下  
橫線刻文同第二石俱貫左邊次一人冠服左向立榜題  
范且二字且卽雕字左跪一人榜題魏須賈三字賈字下  
半泐范雕前一人俯立手援須賈殆張祿門下人也自此  
至左皆有畫無題畫有與下層相接者此層畫樓一重櫺  
上綴鳥獸四疊瓦鱗次細鏤欄柱雕飾樓有四阿左右有  
累息下各雕刻二人相承爲柱兩柱左右夾輔若樓雕  
刻亦細一人在中承之左右二人俯身向內樓中端坐一  
人冠五梁肩有綦組文周繞其旁一人左向亦冠五梁右  
侍一人執旗左侍二人亦執物次一樹兩枝相交若連理

木羣鳥翔集右有人彎弓射之次冠服二人二右向一左  
向三人之右又跪二人皆執笏左立一人左手捧物右手  
執旗後又一人僅存其半 第四層下橫一線空二寸刻  
連環形下又作棗核形皆橫貫左邊右列一車一馬向左  
行車有蓋中坐二人一冠服執旗一御者馬首上綴一小  
兒騎導二人皆佩弓矢次屋一重與第三層之樓相接左  
右二柱上施帷幙中間一人上下皆泐一手似執物右一  
人左向下半泐左一人右向拱手跪又一人右向立左手  
執杯以獻二柱外各一人執笏侍此外左右又有二柱與  
第三層望樓相接柱左一馬又一鶴附柱立次卽連理木  
之下半本幹甚巨左枝縣一筐上棲一鳥下有二小兒作  
扳援狀左有二物一似繩一似器次列一車有廂有蓋蓋



下殘泐無馬左一車一馬與右車相接有蓋中坐一人一人立車後以左手扶車蓋之柱

乾隆丙午秋黃司馬小松於嘉祥縣南武宅山下搜得武班碑及武氏二闕既又得武氏祠諸象乃移孔子見老子一石於濟寧州學餘就其地建室重砌榜曰武氏祠堂別撰碑文其助立之人皆仿漢碑陰劍書名於後誠一時盛舉也先是揚州馬秋玉曰暉家藏唐拓本祇伏戲至曾子二列視今所得三石不及十之二三且較之洪氏所錄又增補七十餘字具載翁閣學兩漢金石記翁書有失檢處更爲校正之漢人畫像莫古於此其中人物器具皆圖繪所未備故纂錄諸石不厭其詳也

唐拓本後爲汪雪圃齋購得雪壘及今歸黃小

孔子見老子畫象

題字三榜八分書在濟寧州學明倫堂壁間

此石黃司馬

易

自嘉祥武宅山得之以是聖像敬移州學

洪氏隸續失戒象內二人翁闕學已詳記之史記魯昭公與孔子一乘車兩馬一豎子同南宮敬叔適周問禮於老子但言適周問禮而不言見於何地碑狀孔子與老子皆下車相對致敬蓋塗遇也案周禮大宗伯以禽作六犖大夫執雁士執雉孔子是時尙未爲大夫所執者當是雉矣空中又有一鳥鳥下一人石文已泐難辨姑闕之孔子後一人銳首若未冠狀殆卽豎子歟車中人似南宮敬叔以弟子而執御也老子車亦有御者車後徒步三人皆捧簡冊榜有四曰老子曰孔子也曰孔子車其一無題石縱廣

一尺橫廣五尺畫像題字尙明晰以久埋土中未經風雨也今移置州學尤爲得所

武氏石室祥瑞圖二石

無年月題字皆八分書在嘉祥縣武氏祠

第一石高二尺六寸廣七尺餘凡三層第一層蓮臺一座右一人右手拊之一人在下左手撲地右手執物如欽簪間有垂帶右題一行惟存殸井二字案宋書符瑞志云浪井不鑿自成此左旁不從水未詳次已殘闕下題二行亦泐首行存一息字二行泐則至三字次一鼎左題一行云神口炊自孰五未自口泐四字孰卽孰字此與符瑞志神鼎不炊而沸五味自生同義次一獸如麟左向在神鼎下題榜一行云口不刳胎殘少則至泐一字符瑞志麟不

剝胎剖卵則至據此首當是鱗字也次一物圓形有莖似  
垂三極左題一行已泐末似至字次磨泐無存次一榜微  
露山字次一龍形尾已泐左題二行云不漉池如漁川黃  
龍游於池凡十一字如讀日而古而如通漉竭也月令仲  
春毋漉陂池謂不竭池而漁也此左又接一行題云莖莖  
堯時下缺左莖莖一株一莖直立左右各七莖皆有圓實  
共得十五莖也莖莖日生一莖至十六日一莖落此象其  
十五日生足之時也右有樹一株在龍腹下樹分數極未  
詳其名左榜惟存周時二字 第二層右泐左一獸首如  
馬而前三足後半泐上題一行云六足獸謀及衆則至  
凡八字惟至字半泐次似一獸殘泐莫辨右題一行云白  
□□□者□□則至泐五字次全泐次草數莖莖各有葉

已殘闕右一榜祇存英字次亦全泐似有二榜一無文一  
存如口二偏旁次一鳥在上已闕 第三層一獸蹲伏左  
題二行云白口口王者不暴口口口至仁不害人泐五字  
符瑞志云白虎王者不暴虐則白虎仁不害物孫氏瑞應  
圖云白虎者仁獸也一名騶虞卽此次一鳥餘皆殘泐左  
有二榜一存白口如事三字一存不方二字又一榜存白  
口王者口口則至五字

第二石高二尺五寸廣七尺凡三層第一層首一獸祇存  
二足一尾右繞脊有毛榜二行存口口王者口口則至四  
字次一榜二行存口馬口者清明尊賢口口口來口七  
字畫全泐案瑞應圖云王者清明篤賢則玉馬出殆卽此  
也左一榜半泐其字莫辨次一物方形榜題玉英五常口

口則口泐三字案瑞應圖云五常並修則玉英見是方形  
卽玉英也下一獸微露首及前二足題榜一行存赤熊仁  
姦自玉字此石自赤熊至後比肩獸碎裂爲三嚮拓本赤  
熊有題無畫今合之如知玉英下獸卽屬此也次一樹穠  
葉同本雙枝左題二行云木連理王者德純洽八方爲一  
家則連理生凡十七字次一璧中作圓孔面有方罫文左  
題一行云璧流離王者不隱過則至凡十字流離同琉璃  
次一圭上銳下方面有斜斗文左題二行云元圭水泉流  
通四海會同則至凡十二字海字半泐次一鳥二首二足  
左右二翼尾有四羽上題二行云比翼鳥王者德及高遠  
則至凡十一字次一獸惟存後二足前已泐上題二行云  
比肩獸王者德及鰥寡則至凡十一字次一魚右題二行

存白魚武津入於王七字符瑞志云白魚武王渡孟津入於王舟又二魚相並各一目上題三行云比目魚王曰明無不徭則至泐一字徭卽禦字次一褒右題一行云銀褒刑法得中口至泐一字瑞應圖云王者宴不及醉刑罰中則銀褒出是也 第二層右殘泐僅餘二榜一存盈王者清广則至七字一存則至二字次一人右向立冠分四了 下衣露其緣次一人左向立左手拊膺右手向左其左作雙禾向上形右題一行存叻主后稷四字次一獸祇存後二足次一鹿祇存其首前一人乘鹿冠有雙丫衣如鳥翼手執一竿竿端有物纏繞如悅巾右題一行云皇帝時南夷乘鹿來獻巨暘凡十一字夷字半泐案符瑞志云黃帝時南夷乘白鹿來獻秬鬯又云巨鬯三禺之禾此蓋以皇帝

爲黃帝以巨暘爲相嚮也鹿首止似有題榜一行殘泐莫辨乘鹿者前題一行云渠來三字符瑞志云渠搜禹時來獻裴據此則第二字爲搜字無疑也此榜在裂縫處初拓時尙存今重立殘損矣次一馬已泐微露首及前二足上題二行云白馬朱獵□□□□頁則至泐四字符瑞志云白馬朱獵王者任賢良則至此以獵爲鬣也次一馬後是泐右題二行云澤馬王者勞來□□則□泐三字次一物形似方勝翁閣學所謂一物上下圓各兩翅中有直柄者也右題一行玉券王者四字玉字下初拓本右旁作券疑是勝字符瑞志有金勝此或是玉勝也 第三層無題字首作人物大半殘泐次二人右向立又一人祇露下半左一車一馬向左行車坐一人導騎三人次一人向右迎



立右有物作方斗文

右祥瑞圖二石其第二石初出時拓本已裂爲三翁閣學黃司馬釋之頗多舛錯然自重立之後畫象題字更有泐蝕處益知初拓可貴也小松云此刻石背若瓦脊是爲石室之頂其面題刻可以仰觀今以拓本案之伏巖三石當屬右室其前後左右次序全備當日石室規模儼如在目矣

武氏前石室畫象十五石

無年月題字皆八分書在嘉祥縣武氏祠

第一石高一尺一寸廣四尺六寸上刻棗核形橫界二線下刻山形此下列十四人皆冠服執簡左向立亦有回顧及舉手者似皆孔門弟子

第二石高三尺四寸廣六尺四寸畫分三層第一層上銳  
下平居中一人冠六稜左右二稜各綴三珠約冠有簪肩  
翼飛起右手拊膺左手案膝跌坐左有一物捧其座右一  
人鳥形者橫托之一人肩有翼執物如錐後一龍有翼一  
獸上半已泐又三人二作鳥形一有二首又蟾蜍二一有  
鳥尾皆橫繞向左左一人肩有翼執孟跪後三人皆鳥身  
下有小鳥又一人有二首相向一鳥三首又一鳥有手執  
物左角又一小鳥皆橫繞向右此下橫界二線中刻棗核  
形仁和朱朗齋文藻云西洋各畫亦有人首而鳥翼者正  
與此同又濟寧火德廟所藏明人水陸功德象中亦作雙  
人首而鳥身者是西方異物皆出佛經漢人當亦本此乃  
知碑中所坐者爲佛無疑矣沅案山海經一書所言鳥獸

多與此合經云似人形者不過略有相似未嘗言怪也碑  
或据此以圖其異遂乃怪怪奇奇靡所不有余校刊山海  
經嘗論及此書作於禹益非後人所能及朗齋捨此而遠  
引外域佛經未免失檢然其說不爲無據姑附存之 第  
二層上刻山形中列十九人皆冠服拱立向左亦有回首  
右顧及執物舉手者似皆孔門弟子中惟一榜題子路二  
字子路冠作雞形搢袂執簡有鞵履頗似武裝 第三層  
一車一馬向左行車有蓋中坐二人在前者執版題榜存  
一車字上泐二字導騎二人執物如曲尺後綴一獸次一  
車一馬蓋有五柱中坐二人在前者執版榜題此丞相車  
四字車字已泐步導二人執符執桿後綴一小樹次一車  
一馬蓋下坐二人前者執版榜題門下功曹四字下二字

半泐騎導二人後綴一鳥次一人執版右向立冠有縷文  
此下橫界二線中刻鳥獸雲龍文下刻山形

第三石高二尺一寸廣四尺六寸上兩層上下橫二線前  
段岑樓二層左右阿閣二層規制宏麗下層用柱上層及  
阿閣之柱皆鏤人物搯柱之樓脊飾以鳳閣簷飾以龍及  
鳥獸闌檻斗拱罍恩承雷靡不工緻樓中坐一人似女冠  
五梁左右各侍三人捧盤盃者三執符者一拱立者二柱  
外各立一人左者執物綴三珠右者以手接柱中之人似  
皆女子右閣外一人一手上舉一手接柱中人之手下層  
中施帷帳坐一冠服者貌甚雄偉右手拊膺左手案膝下  
橫一物如琴中有五弦右侍一人右手執符左手執物如  
蒲帛柱上一人首鳥身者以尾蟠之坐者左侍一人似捧

盤盂次一人冠服執版俯立左柱外一人亦執版立皆右  
向後段合歡樹一本枝葉蟠結上有衆鳥一人射之樹右  
綴一獸下停一車車蓋立一獸一人攀轅立者殆御者也  
旁蹲一犬樹左一馬似將駕車者車轆二木有轡下垂案  
諸象祇用一木爲轅者蓋從省耳 下層一車一馬向左  
行蓋有四柱中坐二人一執符一御者榜題君車二字步  
導二人皆執符桿騎導二人執戈次二車二馬蓋下皆坐  
二人一題門下功曹四字一題門下游徼四字  
第四石高一尺五寸廣一丈餘祇二層上下皆橫界二線  
下刻人物龍蛇鳥獸之形中間自右而左一車一馬榜題  
主薄車三字薄字从艸隸變也蓋下坐二人御者在前主  
薄在後車後一人左手執版右手舉向主薄騎導四人前

二人執物如曲尺有鏤文上綴二鳥下綴二小樹次一車  
一馬榜題令車二字蓋有四角中間一柱坐者二人在前  
者執符步導二人皆右手執符左執木桿右綴一小樹騎  
導二人皆執戈馬前綴一犬馬後一鳥次一車一馬蓋下  
坐二人在前者執版榜題門下功曹四字上綴一鳥次一  
車一馬蓋下坐二人榜題門下游徼四字車後一獸向空  
舞次一車一馬蓋下坐二人榜題門下賊曹四字騎導二  
人皆佩劔冠皆有細鏤文車後綴一獸馬後綴一小樹前  
一人冠帶執版向右左角一鳥祇露前半

第五石高三尺四寸廣六尺四尺凡三層第一層上銳下  
平一人中坐上半已泐坐下蟠以交龍龍首昂上右作人  
物游龍異獸左作雙兔搗藥狀中有蟾蜍捧白雲氣周繞

次二人雲繞之又一人肩有翼橫飛右向下有鳥二魚二  
此下橫界二線中刻棗核形 第二層上刻山形下列二  
十二人俱冠服拱立左向亦有回首右顧及執物舉手者  
惟右一人泐去後半中有四榜無題字 第三層一車一  
馬向左行榜題主記車三字蓋下坐一人執版車後坐一  
人步從一人執版榜題此亭長三字次一車一馬中坐二  
人榜題主簿車三字騎導二人皆泐次一車一馬中坐一  
人執符榜題此君車馬四字一人半泐一榜祇存此字右  
半騎導二人各執戈榜題此騎吏三字步導二人亦執兵  
器榜題調間二人四字此下橫界二線中鏤鳥獸雲龍之  
象若近世雕闢式惜多闕泐下作山形俱橫貫右邊  
第六石高二尺九寸廣六尺四寸凡二層上層一婦人向

右跪衣袂皆有緣右武士一人左執兵器拄地如弓中有柄右手舉向婦人一人執刀盾向左後橫卧二人已逼右邊祇存下半皆有械如弓執其柄以兩足抵其空內一人右手執物如箭一榜無字婦人左一車一馬無蓋向左行車坐一人面顧右兩手分張一人似鳥橫飛馬項有繩一人牽之手執刀柄圓有垂帶前一人執干盾向右立一人乘馬執刀又二車二馬俱向右行一榜題功曹車三字蓋下坐二人御者在前執版者在後一榜題尉卿車三字蓋下坐二人執符者在前御者在後車後綴一小樹騎從三人內一人執物如箭帛左角一鳥半泐下層一橋有關中平左右斜殺橋上車馬奔馳有男子婦人亦有步卒如交戰狀皆執刀盾干戈弓矢之屬中一器如弩兩端上曲中



凸起銳首如錐凡車六馬十三又二馬半泐男婦凡三十  
五人題榜五右三曰游徼車賊曹車功曹車左二曰主簿  
車主記車榜各三字左綴一鳥右有小樹二中一人露其  
上半左似一人無首卧橋右角橋下亦有男婦兵士水戰  
者或乘舟或涉水兵器悉如橋上凡二舟舟各二人戰者  
凡五人中一人貌甚雄壯餘雜畫魚鳥有二鸞啄魚又設  
魚鬻二漁者二人此段翁閣學失記蓋由取字而不取畫  
也此下橫界二線中刻棗核形下刻山形

第七石高二尺八寸廣七尺三寸凡四層第一層一人冠  
服持節旄向左立後一人亦持節旄長幅下垂中有鏤文  
左榜題齊將二字半泐前一婦人抱兒向右跪榜題義婦  
二字婦字泐旁有一兒榜題義婦親子四字次一車一馬

向左行車有蓋前坐一人車後二人相向一立一跪立者  
拊跪者之背殆卽閔子御車事後又隨二人皆泐前後凡  
三榜俱無字次殘泐祇存帷帳似有二人一右向坐一左  
向跪右一人手捧盤盂未泐左榜存刑渠二字右榜存孝  
子刑三字刑卽邢字蓋邢渠哺父事也次一車一馬左行  
蓋下坐一人榜題土宜蓋車四字上一字泐車後一人向  
右立一人跪地拊器如缶上半皆泐 第二層一婦人長  
服冠五梁向右立手向右指榜題伯游母三字右一人佩  
劍跪向左榜題伯游也三字後一人向左拱立下半泐左綴  
一鳥次男婦二人並坐向右上施帷幕榜題萊子父母四  
字左綴一獸右一人跪向左手持杖杖頭橫飾鳩鳥右手  
向地下有盤盂榜題老萊子三字次一婦人手持節旄向

左立前一兒拱手回顧一榜二行首題乳母二字次題口  
季載上泐一字季字半泐案此卽文王子冉季載也史記  
管蔡世家云同母昆弟十人冉季載最少此與後康叔封  
等稱名同婦人右一人執版向左拱立次男婦二人並坐  
向右上施帷幕一榜題文王二字左一人侍立右立九人  
皆有題榜而泐其三存者惟伯邑考口王發周公旦蔡叔  
度口寸季康叔封六榜而已季上是叔字蓋卽霍叔處  
第三層三人並坐向右內一人舉手作指顧狀座前羅列  
尊俎盤盂前跪二人一向缶舉勺一以手指俎一人長袖  
起舞兩足立礎上一人兩手據礎兩足向上倒垂其首一  
兒橫伏於上中間一盆蓋燕饗樂舞之事也次四人左右  
相向立次車馬各三有蓋有廂皆向右祇見御者三人餘

殘泐前後四榜俱無字。第四層作庖廚事有一器如桶  
二人並立各以手拊之上飛二鳥次男女二人向井汲水  
纒繫木架上架端一鳥架旁一人執物如犬倒垂左一人  
舉手似相助者一盆內盛雁鷺二人對立同向盆中燂之  
上綴一鳥次一大盆盛一豕左右對立二人一繫其首一  
執其蹄上有大鳥垂翼向下次一人左手執物右牽一牛  
向右行上綴一鳥尾有三羽次皆泐此下有橫線刻棗核  
形

第八石上銳下平中高一尺九寸廣六尺四寸凡三層上  
層左二獸右一龍一鳳一鳥又二人皆鳥身餘泐 中層  
一人右向坐左手指右右手執劔榜題此秦王三字後一  
人執弓矢侍立前跪二人一撫琴一拍掌皆左向右侍一

人執刀盾又一人手曳其衣上半已泐空處綴一鳥次二人一冠服一常服相向立榜題侍郎二字郎字已泐次一人冠服執物向左立榜題魯秋胡三字前有二婦人皆舉手向左又一婦人有兒曳其衣榜題秋胡婦三字胡字从吉漢鏡銘嘗有之兒上有小鳥一次一人冠服向左立榜題齋王二字齋卽齊字左一婦人相向祇露其首下有一物祇存上半齊王右侍姬二人又一人執版拱立下層一車一馬左行蓋下坐二人一執版一御者騎導一人中綴小樹車後一人已泐次左一車一馬蓋下坐二人有榜無題騎導一人次一車一馬車有蓋有廂祇露執符一人騎導一人左一人執版向右立

第九石形製尺寸同第八石上層中坐一人肩兩翼座下

雲氣繞之左一人以手搏其肩右侍一人執符身俱有翼  
又在右向四人橫飛皆鳥形有一龍一鳳左角一大鳥半  
泐 中層一人冠服左向立一手上舉一人亦冠服卧地  
膝間一物似兵器榜題此齊桓公也五字卽曹子刳桓事  
右執弓執矢執劍者各一人執版者三人俱左向立左冠  
服者一人右手執弓左手向右指後隨三人一執版一兩  
手空舉一曳舉手者之袂俱右向一人左向立回首右顧  
一手指向左左三馬具鞍轡無人上有小鳥下有小樹右  
角似有一人如獸半泐 下層一車一馬左行車全泐祇  
露執符者之袖榜題君爲都口時五字都下似中字車後  
似有二人步導二人俱一手執符一手執桿次一車二馬  
蓋下坐二人一執符一御者榜題五官掾車四字騎導一

人次一車一馬蓋下二人皆泐榜題君爲市掾時五字步  
導四人二執符桿二執節旄皆泐下半

第十石高九寸廣四尺上下橫界二線一車一馬左行蓋  
下坐二人榜題主簿二字車後一人執版隨行次一車一  
馬左行蓋有四柱左右有廂中坐一人執符榜題爲督郵  
時四字右角一鳥長尾口啣物左角一鳥向上步導二人  
皆執符桿一榜存數筆似二卒二字不類諸題蓋後人所  
刻也次一車一馬左行蓋下坐二人榜題行亭車三字騎  
導二人車左二獸一半泐馬左一鳥此石翁關學失錄  
第十一石高二尺廣二尺九寸凡三層上層殘泐畧見雲  
龍形次一人舉手向左榜題荆軻二字一人在後挾制之  
手向右指右一人執刀盾向左荆軻足旁一人伏地榜題

秦武陽三字左立一柱柱間一七首柄有垂帶下虛縣一物蓋所絕之袂也柱左虛設一座鏤刻甚細座前有雙履上一人執刀盾向右立前一人左奔右手執物高舉左無袖殆秦王也一榜上泐祇存也字次二人執戈卧地 中層一車一馬左行車有篷祇露御者有榜無題騎導一人後綴一鳥次一車一馬左行車有蓋有廂廂有牖前坐一人後坐一人有榜無題 下層一車一馬左行蓋下坐二人榜題行亭車三字一人執版俯隨上有一鳥下有小樹次一車一馬左行車廂上覆五席祇露御者一人手似執物有榜無題

第十二石高二尺廣二尺三寸凡四層第一層作人獸雲龍文 第二層二婦人捧一盤左右相向跪下置一物乃



承盤者右跪三婦人皆執鏡奩盥盂左跪三婦人皆右向  
第三層一車一馬左行蓋下前一人執版後一人攷弓  
佩劍榜題道吏車三字道卽導字車後一小樹車前一人  
如鳥騎導二人上綴一鳥 第四層一車一馬左行蓋下  
坐二人榜題主簿車三字車前一獸騎導三人皆模糊此  
石翁閣學亦未錄

第十三石高二尺廣二尺三寸凡四層第一層一人作鳥  
形右一鳥三首而又有一首如馬左一大鳥雙首又一小  
鳥皆左向 第二層糞菜一本十五葉右一人摘之次一  
樹六椹椹各一葉下垂次一大樹枝葉甚茂右一人摘之  
次石磬一臺臺中一荀向上獨葉如焦右一人以刀斫之  
左一人兩手攀臺身皆有翼上有二鳥皆具人形左右橫

飛 第三層上施帷幕一婦人左向坐一人跪持七筭作  
哺食狀左一人捧盂右向立次上施帷幕下有座如土阜  
左一人拱跪一婦人拱立一樹六楹垂四實 第四層一  
車一馬左行蓋下坐二人榜題賊曹車三字騎導二人左  
一人右向立捧物如幣

第十四石高二尺廣三尺畫甚參錯前岑樓三層後分四  
層此樓規制宏麗刻劃工緻上層脊簷分立二人上半已  
泐樓前橫施闌檻檻外屋瓦鱗次樓中一女左向坐右一  
女執符侍右柱外一人左向立左侍一女持盃以獻一女  
拱手隨之左柱外一女捧盤內有四器一女持盃隨之後  
有一缶次一小竈釜上有蓋左右二人執物相向以手拊  
蓋一人執魚在後此層之上一人正坐拊瑟上半泐左一

人跪扶之旁有一器如屏一人坐而拍掌一人吹洞簫樓  
之中層一人冠服坐左侍一人持盃以獻後隨一人皆冠  
服右柱外一人左向立左柱外一人左手捧盃右手執盃  
後隨一人左手捧盃右手執匙一人捧盤中有盃筯皆常  
服後置三盃二盤左一人作俯身取盤狀其下限以瓦脊  
別立一柱搯之下層右柱外一人冠服左向立柱內一人  
拱手跪向左設一梯梯立一人左向左一人捧盤內貯數  
器授之左柱邊一人捧盃柱外一人捧盤內貯一尊一盃  
皆右向側柱外有竈有釜有水甕甕口有瓢一婦人俯而  
執炊上縣雞一鴨一魚一豕首肘各一右一人舉手取之  
第十五石高一尺廣五尺上下橫界二線中列一車一馬  
蓋下坐二人左有一鳥騎導一人執物如笛帛次一車一

馬蓋有五柱中坐二人有榜無題步導二人各執符節次一車一馬蓋下坐二人騎導者一人上紿一長尾鳥三小鳥下有小兒執兩物其一如帚又一鳥伏地馬左一人執版向右立後有一兒執物覆之形如羽扇前後凡四榜皆無題字此石及第十四石翁閣學皆未錄

右武氏前石室畫象十五石黃小松以始獲時在武梁畫象之前卽定爲前石室今嵌於武氏祠壁間原次難考營立時隨意標刻數目以便識記今姑仍其次入錄然如第五石形製同第二石其二層列二十二人亦是孔門弟子不應分間也內有刻古帝王忠孝烈士奇跡皆同武梁畫象亦用分書題識其名惟不作韻語耳此刻洪氏未見故錄釋不載偃師武虛谷億跋云攷天問章句敘云屈原見

楚有先王之廟及公卿祠堂圖畫天地山川神靈琦瑋備  
飽及古聖賢怪物行事此亦師其意而爲之漢人祠宇墓  
室大率如是至其圖畫精古尤足珍也

武氏後石室畫像十石

無題字在嘉祥縣武氏祠

第一石高三尺六寸廣四尺五寸凡三層第一層自左而  
右皆右向邊似有重輪者五祇露其半輪中皆有游魚右  
雲繞一車四魚夾轆而駕車有蓋有四柱中坐二人一執  
符一御者後一人執版隨之前一人執版左向跪迎有雲  
繞之其餘衛士皆騎魚似執干戈刀盾雜以魚龍及人首  
鳥身者手足如人而魚身者又有蟾蜍形者有龜形者有  
獸頭魚身者皆執干戈前導六榜無題 第二層自右而

左二婦人共持一器左一婦舉手作取物狀一婦持杵下有白上有二雞一人負物如耒耜一婦抱兒一人俯而操作上有一鳥一人俯而執斧上亦有一鳥多殘泐左二人前向有一鳥橫飛一人手持盃一人持勺與之下置一甕似乞漿者前後五榜無字 第三層人物有冠母追者有執耒耜者有冕服者肩皆有翼又有具冠服者或立或跪有婦人服者有人首鳥身者多缺泐難辨二榜無字

第二石高三尺五寸廣四尺六寸餘橫界一線分二層上層自右而左雲擁一車無蓋坐一婦人御者一人有三龍駕之皆有翼後二龍一人騎之一人立於上前導三人皆騎龍人各有翼一人執版右向立餘雜綴飛龍鳥獸及人首鳥身者 下層之上自右而左一神正坐冠五稜有翼

左右各侍二人內一人似執花枝有三實一神亦有翼正坐冠頂正方下有二翅右侍二人分上下執版跪左侍一人下有一鳥右向有兩手若獻物者左一車一馬車有廂有蓋坐一人手攀馬尾馬有翼車後一人兩手拊車又二人一拱手顧左一執版人各有翼下雜綴雲鳥內有二人首鳥身者一榜無字下層之中一車一馬右向馬有翼車有廂有蓋坐一婦人車後一人冠服執版右向有雲繞之次一人執版左向一人右向左顧一人執版右向立皆冠服週繞雲鳥人物無數人皆有翼下層之下有屋半間柱內一婦人左向立柱外有別室祇露一柱中立一人常服左向左有三帳一帳有婦人一帳人有翼一帳外有二人相背立其執于盾皆有翼左執戈者二人冠服者一人皆

右向次一車三馬向左行車有廂有蓋有四柱坐一人左向顧右前二馬左右向皆具鞍轡三枋無字

第三石高三尺五寸廣四尺七寸橫界三線分四層第一層自左起一神拱坐雲端有翼後二人擁之亦有翼右三龍皆有翼一人攀其尾一人首鳥身攀其角後又一龍隨之次二人皆騎龍一人攀其首二人攀其尾後有雲繞之人與龍皆有翼次二人騎龍而前狀如左又一人龍首鳥身隨之次二人冠服執版左向跪後立一人亦執版左向角有一龍首下垂二枋無字 第二層亦自左起一神坐雲中首戴冠五梁氣象威嚴兩手執槌杵座前有二繩分左右各有三人偃僂用力牽之旁有二柱柱上有物如鼓左侍一人作張口吹物狀上下二小人作攀援狀皆有



翼右二神女一挈瓶一仰首執壘前有二龍垂首著地上  
交其尾龍爪拏攫向外上有一神傾壘向下龍左右二神  
手執槌杵又一神在龍尾相交處右手執杵左手舉槌向  
下下一人披髮伏地右三人皆有翼雲鳥擁蔽之內一人  
執盃餘祇露而其下男婦小兒三人或跪或立皆披髮拍  
手前後二榜無字 第三層自右起一人左向右手舉一  
孩張口嚙其足左一人正立人首獸身左手執刀右手執  
物首間亦有一物兩足皆挾兵器如弓矛下有小鳥一人  
執刀及弓錐此三人首皆雙了下有異獸一人一手挈瓶  
一手執器形如半月一人右執器如半月左執器長柄端  
作方形中有鏤文一人右執器長柄曲其項項端著器亦  
方形左執一盃張口披髮皆右向下有二魚左異獸三下

伏一孩左一人捧疊下一人執刀又一人執刀立於後凡  
八榜皆無字 第四層亦自右起一人騎馬向左旁綴一  
鳥一樹左一人負獸如豕一人負虎上一人橫撲之中間  
又一虎負豕負虎者各曳其足下有二犬左一樹如蕉一  
人兩手拔之一獸亦如豕右一人曳其尾左一人搏之下  
又一獸如豕一人曳其尾一人向後推之最左一虎祇露  
其首口啣一矢一人右向回顧之下又一獸半泐二榜無  
字

第四石高三尺廣四尺八寸橫界三線分四層第一層自  
右起雲繞一車有廂有蓋坐二人車前駕三獸一人牽之  
車後二人皆騎獸又一人左向坐張口作吹物狀一小人  
抱膝立其下左有二獸一鳥半泐一人騎獸前驅人皆有

翼又一人冠服執版右向立皆有雲氣擁之 第二層自左起一神高坐手執槌杵左右二緇六人右向分曳之下繞雲氣有二柱縣二物如鼓左侍二人右二人各曳二帶飄向左帶有鏤文其下雲繞二龍一龍上有一人左執盃右執瓶一龍上二神各執槌杵向下一人披髮伏地後跪二人披髮兩手向上上綴雲鳥此與第四石第二層大畧相同 第三層自右起一人身軀特大口作吹物狀左雜綴雲龍鳥獸及人身有翼者 第四層自右起一車一馬車有廂有葢中露坐者一人步從騎導各一人騎者執物上下雜以雲龍樹鳥及人身有翼者左一人高坐下邊雲氣首冠左右影綴如翼座旁一繩自左繞右直向右耳繩貫七黑毬狀如小鼓末一鼓有人以足抵之手執一鼓

座前四婦人皆左向二立二跪下有披髮者一人僅露其面座左三人執版侍立下有雲氣餘綴龍鳥

第五石高三尺一寸廣四尺八寸橫界三線分四層第一層自右起雲繞一車車有廂有蓋上蟠雲文中如雉尾三鳥駕車皆長尾獸蹄車坐二人後隨一人前導二人皆騎獸中有一鳥下有小人左三鳥有翼下一小人左三龍有翼一人攀其頸人皆有翼其上露一鳥首左一人冠服右向立手舉向右後綴一鳥脚物 第二層一人執矩右一人亦執物身皆如蛇以尾相交此與前伏戲象同右侍三人一執符左侍二人一執符一人首而似有二身次九人或左向或右向有一首二身者有一首二身相交者有兩人相背而交者有二人作鳥形相交者人皆有翼雙足若

鳥尾各擁雲氣間以小鳥 第三層自左起雲繞一車三  
龍駕之車有廂有蓋中坐二人二人騎龍從之手執長旛  
中有鏤文右四人騎龍執旛又一人執旛向左立前有一  
小人執物跪餘綴雲鳥亦有攀龍行者凡人皆有翼 第  
四層自右起四人向左立身皆有翼冠有影纓者二左皆  
魚鳥雲龍及人身有翼者又一獸有翼一人執其耳一人  
曳其尾

第六石高一尺六寸廣七尺五寸上半皆車馬導從之屬  
凡五段多殘泐存四榜皆無題下半橫界四線分四層上  
刻棗核形次反覆連環文次水波文次山形亦多泐

第七石高三尺廣六尺五寸上半橫界四線刻文同前下  
半有一橋橋上皆車馬武士攻戰之事橋下二舟亦作擊

刺狀餘綴魚鳥草樹及漁者亦多泐一榜無題此與前石室第三石相似

第八石高二尺廣六尺七寸上銳下平上存一龍左向餘則車馬人物下界一線亦車馬導從干盾武士之類皆泐一榜無題

第九石高二尺廣六尺七寸上銳下平有一橋左右皆車馬攻戰事綴以飛鳥橋下有人獸魚鳥亦與前石室第三石相似後半模糊難辨

第十石高二尺七寸廣六尺五寸上銳下平分三層上層一神拱坐有翼左右人物皆泐橫界二線刻棗核形及山形中層橫界一線凡二十人手皆執簡似亦孔門弟子下層車馬導從之屬皆泐



此二榜爲一幅在第一石上層之中

王□□□獲於楚陵爲漢□與項相距毋

見漢使曰□長者曰伏食死以免其子

此一榜爲一幅在第一石上層之左

義主范贖陳留外黃兄

下闕

贖詣寺門求代考軀□

下闕

外黃獄吏

范贖兄考

此三榜爲一幅在第一石下層之右

上闕  
令

此一榜爲一幅在第一石下層之中



第一石高二尺廣三尺六寸首有雲文已泐下界一橫線  
中刻棗核形下刻山形畫分二層自右起上層一室二柱  
簷角飾二獸室中一婦人拱跪榜題乞宿婦三字右一人  
仰面右手執火左手向屋角抽薪榜題齊握火四字上  
二字半泐柱左榜題二行凡三十二字詩巷伯傳云顏叔  
子獨處於室鄰之嫠婦又獨處於室夜暴風雨至室壞婦  
人趨至顏叔子納之使執燭放乎且蒸盡縮屋而繼之卽  
其事也惟此云燃蒸自燭又云搯芣績之皆與彼異案芣  
卽笮字錢辛楣少詹云何休注公羊云禮取毀廟室笮以  
爲死者炊沐則笮可爲薪矣搯之言抽抽屋笮以當蒸燭  
二文相須其義乃備左一車一馬蓋下坐一人車後一人  
半泐榜題侯羸二字前後綴二鳥車左榜題二行凡三十

三字泐十六字蓋圖魏公子迎侯嬴及嬴下車見朱亥事  
事見史記次一人惟存半身及肩上一獸右榜題二行凡  
三十一字泐五字前漢書王陵傳云陵沛人也漢王還擊  
項籍陵以兵屬漢項羽取陵母置軍中陵使至東嚮坐陵  
母欲以招陵陵母既私送使者泣曰願爲老妾語陵善事  
漢王漢王長者母以老妾故持二心妾以死送使者還伏  
劔而死此卽其事獲猶攫也謂陵母爲楚所攫執也 下  
層一人髮髻左向屈左膝右脛間繫一木左手案之右手  
舉向左一人俯首曲身手執小木作欲擊狀上一人左向  
榜題范贖兄考四字右一冠服者俯身手向左指榜題外  
黃獄吏四字一人執版隨之右榜題二行存十七字范贖  
代兄事不見記傳主卽士字考字與詩山有樞弗鼓弗考

同皆爲攷之假借說文攷敬也敬擊也今俗作拷字次一室有二柱一人冠服左向坐右手向左指左手拊几一榜上半已泐存一令字右柱外一人執物侍立左柱外一人冠服執版向右跪次又一室祇露右柱一人執版向左立兩室間橫一獸前後足與兩簷角相接下有一獸作向上攀拊狀此石右端有州人李鐵橋東琪題八分書五行云漢武梁祠畫象洪氏隸續載之明矣乾隆丙午錢塘黃小松搜得前後石室及祥瑞圖壘於牆壁已酉秋七月洪洞梅邨李克正桂仙劉肇鏞督工建祠續得左石室畫象十石隸書一百六字更爲古人所未見者卽砌壁間書以記之

第二石高二尺七寸餘廣六尺四寸餘上銳下平上坐一

神有兩翼左右環侍人物鳥獸多怪異狀橫界二線刻棗核形及山形又橫界一線凡二層上層執簡者十八人皆右行亦有回顧者似皆孔門弟子也前後有二鳥下層一車一馬左行車中二人步從一人執版騎導一人執笏帛又一車一馬左行車中二人執符者在前前有一鳥步導二人皆執桿又一車一馬左行車中二人執版者在後騎導三人前後有二鳥二榜無字

第三石高三尺廣六尺六寸碑首橫界四線中刻棗核形次反覆連環文次山形下分二段中有直線爲界前段一牖牖門甚狹而河甚廣左右兩堤如翼牖口二人冠服舉手相向左右二人執符及笏帛隨之又右二人左向立皆執版又左三人右向立二執版又一人執版跪而隨之中

綴一鳥一獸兩隄上右有三人左四人各以繩從牖門穿中貫出人皆倒行曳舟中之鼎旁綴一龍左一車一馬車中二人車前一騎導二人河中二舟各有權左舟尾一人持竿舉鼎鼎中昂一龍首一人掣其竿舟中一人及右一舟三人皆舉首觀之旁有魚鳥紛紛一鷺延頸啄魚亦有人向罾中捕魚者此石無題榜案水經泗水注云周顯王四十二年九鼎淪沒泗淵秦始皇時而鼎見於斯水始皇自以德合三代大喜使數千人沒水求之不得又云系而行之未出龍齒嚼斷其系此鼎中有龍當卽其事與孝堂山所畫南越尉佗鼎不同也 後段分三層上層自右起三婦人向左跪內一人鼓琴二人拍掌旁置二器左三人皆冠服右向跪一以手指撫琴者一吹簫一執樂器左

置石礎五一人橫卧於礎二人左右相向中層自左起一車一馬右行車坐二人騎從一人右一車一馬車坐二人騎導一人手執物下層自右起一人汲井井有轆轤旁一人屠獸如犬雜綴三鳥一獸左二人向汲井者又二人一執盂一曳執盂者袖下蹲一犬上置一盆就盆燂雞鶩者二人旁一人執雁左一室有竈有釜有炊者上懸雞魚蹄首之屬屋脊有二獸

第四石高二尺六寸廣二尺橫界二線分三層第一層一人冠服卧地左一人持器向之右一冠服者執弓向左指又二人執版向左行 第二層一人舉璧右行願左下一人卧地右一人執干盾左向立左一人散髮揚手一人抱持之右一柱貫一七首又一絕袂下有一篋函人首一榜

無字 第三層一人執矩向右一婦人執器向左身皆如蛇其尾相交向上中間二小兒有翼尾亦相交兩手相向搏又左右男女二人皆蛇尾有翼相依倚俱有雲鳥擁之一榜無字下又橫界二線中刻水波文下刻棗核形

第五石高二尺六寸廣二尺上界二線分三層第一層左右各二人執版相向正中一壺壺口有物如珠壺身蟠一蛇左右二人顧之兩榜無字 第二層一車一馬左行蓋下坐御者一人車後一人冠服手執匙孟一人跪向作就食狀旁綴一樹二鳥車前一人冠服執版向右立綴一鳥一犬前後兩榜無字 第三層一人卧地身蟠一蛇上端又有四物亦如蛇蠍右一人左向身軀雄偉心若影纓左手執斧右手向左指左一人持槌擊蛇蛇昂首張口過之

左角一人人首鳥身右角一榜無字此下橫界二線中刻水波文下刻棗核形

第六石高一尺二寸廣四尺七寸上刻棗核形下界一線刻山形此下十三人皆右向立手執簡蓋孔門弟子也曰右數至第十人當是子路與前石室第二石同此惟雞冠垂尾較長耳五榜無字

第七石高二尺二寸廣二尺三寸橫界二線分三層上層一室祇露半楹簷綴一獸室坐一人冠服右向柱外一人執版向左跪柱間有梯一人升梯肩負一器曲柄圓首右一婦人右向立左手拊膺右手執弓膝前兩兒相向右一人執版左行顧右一人冠服左向三榜無字 中層一人執版一人冠服皆左向左一小人執版佩劍左行右顧左



三人二左向一右向皆冠有影纓手執刀中間一器如壺  
口啣二珠右向者手案之三榜無字 下層一車一馬向  
左行蓋下坐二人前有小鳥騎導二人一人右向迎立似  
執物三榜無字

第八石高二尺二寸廣二尺三寸橫界三線分四層第一  
層一人右向坐衣有回環支右跪一人左一老人右向坐  
右跪一人以右手拊老者之背左一人磨泐祇露劍首右  
一人左向跪拜一人執器跪於後上有二鳥 第二層一  
婦人抱孩而坐右立一婦人左向又三人冠服皆執版左  
向跪次左坐一婦人持鏡自照右一婦人跪向之又一人  
冠服執版亦跪向四榜無字 第三層一人立座上冠三  
稜身軀甚小右立一人手執曲柄蓋覆之蓋形如縣鐘又

三人執版左向立左一人冠服捧物右向跪又二人執版  
右向立此與後卷洪福院成王周公一幅頗相類 第四  
層一車一馬向左行蓋下坐二人御者在前右角露一馬  
首前有一獸騎導三人內一人執物如笏帛

第九石高二尺二寸餘廣四尺八寸橫界一線分二層上  
層岑樓二層左右阿闌二層規制畧同前石室第三石樓  
上層一人正坐左右二人侍立左執盃右執鏡又左侍三  
人右侍二人左柱外二人右向侍右柱外一人左向侍手  
執物端綴三珠人皆女象左右阿闌柱外各有一人相向  
立樓下層上施帷幕中坐一人冠服左向右手向左指左  
手執物如簡冊座前二人執版伏地跪拜中置一器如斗  
柄左一人右向立冠服執版佩劍左柱外一人執版右向

立座右一人左向執物如笏帛右柱外一人執版左向立  
右顧阿闕柱外一人執版左向立上層左闕外冠服跪者  
五人一人左向執物四人右向內三人執版下合歌花一  
本枝葉糾結上集羣鳥左一人彎弓射之花下左一車右  
一馬中間小鳥 下層一車一馬左行車有蓋角有四柱  
中坐二人前者執符一榜無字步導二人皆執雙桿騎導  
二人皆執旛又二車二馬左行車有蓋中各坐二人在後  
者執旛一榜無字

第十石高三寸廣六尺列五銖錢九十枚以四繩錯綜  
之錢文五銖二字在面平鋪石上錢在右則文左向在左  
則文右向以三枚二枚相間貫之石之兩端凸出向下數  
寸右端刻一獸形左端刻二人半身一正向一左向皆黑

地白文

右武氏左石室畫象十石乾隆己酉秋李鶴橋等平泂祠  
基時所得翁閣學兩漢金石記未及載入茲爲釋文於前  
小松又得武祠畫象殘石二一高四寸廣六寸餘中一小  
馬右題此□□金□□可辨者祇二字一高三寸八分廣  
四寸餘中一婦人冠服正坐右缺左侍一人又露一鳥首  
與第十石兩旁凸起者相類殆一室之物也今製爲硯坵  
記於此

武氏祠南道旁畫象

無題字在嘉祥縣武氏祠南三里許道旁

右石高二尺廣五尺自左起一車微露其輪三獸駕車右  
一車一獸蓋下坐二人騎導可見者凡十八人皆騎獸有

角如鹿步導一人皆執戈矛之屬其前大小獸皆右向有二獸執弓執矛作擊刺狀餘雜綴雲鳥畫多模糊不能詳記

### 武氏祠東北墓間畫象

題字一榜八分書在嘉祥縣武氏祠東北半里墓間

右石方廣二尺橫界二線分三層上層一車一馬左行車中二人馬上立一人一榜祇露也字步導四人執符執桿中層前段已泐後段五人皆左向下層騎者三人執桿導者二人左二人執版立畫俱殘泐但存影迹此與上一石亦乾隆己酉秋李鐵橋等營治祠基時得之